



ILLUDA VUOLGIT: Elle Sofe Henriksen (gurut) illuda vuolgit dánsunfestiválii Ruššii Kamchatkai ja su mielas šaddá gelddolaš gilvalit dánsunmaratonas iežas dánsunguimmiin Semen Bolshunovin, masa sus goittot eai leat nu stuorra vuotin vuordámušat. Govva: Olga Shavrina

Riddu Ridđu dolle ruoššamátkái odne gos Guovdageaidnulaš Elle Sofe Henriksen ja ruoššasápmelaš Semen Bolshunov gilvalebá dánsunmaratonas. – Mus eai leat gal makkárga vuordámušat vuotit, muhto somá šaddá oasálastit, dadjá Henriksen.

Odne mátkkošta Riddu Ridđu Ruošša nuortaleamos báikái, Kamchatkai. Doppe galgaba dán-su guovttos Elle Sofe Henriksen ja Semen Bolshunov oasálastit dánsunfestiválas "Alhalalay" mii bistá duorastagas sotnabeaivái.

Gelddolaš

Guovdageaidnulaš friijadáiddár Elle Sofe Henriksen bargá olle-

Gilvalebá dánsunmaratonas

sáiggi dánsun, ja son oaidná vejo-lašvuoda oasálastit dánsunfestiválii Kamchatkas erenomázin.

– Mun illudan issorasat deaivat dánsuid Kamchatkas. Sis lea dološ, starga dánsunárbevierru ja lean hui lihkolaš go beasan oasálastit, dadjá Elle Sofe Henriksen gii lea ovdal fitnan Ruoššas muhto ii ná guhkin.

Ovttas ruoššalaš Semen Bolshunovin, gii maiddá lea sápmelaš, galgá Elle Sofe Henriksen oasálastit festivála dánsunmaratonii.

– In leat vel sihkar guđe beaivi gilvu lea, muhto jáhkkán bearjadat eahkeda, dadjá Henriksen geas lea Bolshunovin dánson ovtas jahkebeali ja sudnos lea oktasá čájálmás "jorggáhallas" man

leaba čájehan earet eará Riddu Ridus.

Dánsunmaratona

Gilvvus galget párat dánsut ovtas, dihto njuolggadusaid mielde mo lihkastagat galget leat.

Párra mii guhkimus nagoda dánsut vuotitá gutni, rámi ja fiinna bálkkašumi. Diimmá dánsunmaratona vuotit nagodeigga dánsut 16 diimmu ja 10 minuhtta.

– In leat goassege ovdal gilvalan dánsunmaratonas, nu ahte šaddá gelddolaš oaidnit man guhká moai nagodetne jorggáhallas, dadjá Henriksen.

Boahttiba go odđa olahusain ruoktot sápmái lea diehtemeahtun.

Lonuhus

Okta oassi Riddu Ridđu festivála jahkásaš doaimmaide gulláge láchčit lonuhusa eamiálbmogiid gaskas.

Lonohallas eamiálbmotdánsuid gaska dánsunfestiválas Kamchatkas lea juoga maid Riddu Ridđu lea sávvan guhká duohtandahkat.

– Oktan buriin vehkkiin min kulturgaskkustan kantuvrras Moskvás, leat mii nagodan duohtandahkat mátkki gos sámi dánsut sáhttet oahpánuvvat odđa olbmui ja viežžat inspirašuvnna, dadjá festiválajodiheddji Kirsti Leirvoll.

Rámida

Lervoll sáhtta mitalit ahte eami-

álbmogat geaid Riddu Ridđu festivála dál galleda leat leamaš dán jagi davvi olbmot festiválas.

– Jagis 2000 galledii Itelmenerat festivála ja 2003:s ledjeges Koryakenat min lusa bovdjejuvvon, čilge Leirvoll.

Festivála jodiheddji rámiida sin dánsunčájálmásaid movttiidahtán gehččiid.

– Jáhkkán mánggas illudit fas deaivvadit sámi dánsuin, dán háve sin festiválas Kamchatkas, loahpaha Leirvoll gii lea válmmaš mátkái.

Anne Rasmus
anne@avvir.no



22.9 ☉ 30.9 ○
8.10 ☉ 15.10 ●

KÁRÁŠJOHKA	ÁLTÁ	ÁVVIL	DIVTASVUODNA
Gaskavahkku 19.9.. 10 ☀ ↗	Gaskavahkku 19.9.. 11 ☀ ↗	Gaskavahkku 19.9.... 9 ☀ ↗	Gaskavahkku 19.9.. 10 ☀ ↘
Duorastaga 20.9..... 10 ☀ ↘	Duorastaga 20.9..... 9 ☀ ↘	Duorastaga 20.9..... 8 ☀ ↘	Duorastaga 20.9..... 8 ☀ ↗
GUOVDAGEAIDNU	DEATNU/OHCEJOHKA	HEAHTTÁ	JÁHKMÁHKKE
Gaskavahkku 19.9.... 6 ☀ ↗	Gaskavahkku 19.9.... 8 ☀ ↗	Gaskavahkku 19.9.... 5 ☀ ↗	Gaskavahkku 19.9.... 7 ☀ ↗
Duorastaga 20.9..... 8 ☀ ↘	Duorastaga 20.9..... 7 ☀ ↗	Duorastaga 20.9..... 6 ☀ ↘	Duorastaga 20.9..... 7 ☀ ↘
PORSÁNGU	ČÁHCESUOLU	ROMSA	GÁRESAVVON
Gaskavahkku 19.9.. 12 ☀ ↗	Gaskavahkku 19.9.. 10 ☀ ↗	Gaskavahkku 19.9.... 8 ☀ ↗	Gaskavahkku 19.9.... 6 ☀ ↗
Duorastaga 20.9..... 10 ☀ ↘	Duorastaga 20.9..... 7 ☀ ↗	Duorastaga 20.9..... 7 ☀ ↗	Duorastaga 20.9..... 6 ☀ ↘